

Quodlibetariis disputationibus, manè discutienda in Scholis Medicorum, die Jovis decimâ quartâ Novembris.

M. JOSEPHO PITTON TOURNEFORT, Doctore Medico, Præfide.

An morborum curatio ad Mechanicæ leges referenda?

EX medicamentis, alia per superiora excludunt, vomitu, anacatharsi, sternutatione, ptyalismo. Alia per inferiora subducunt, catharsi, diuresi, catamenis. Nonnulla per universam cutim, diaphoresi tum manifestâ, tum insensibili. Cætera humores & partes ad naturalem statum adducunt. Horum omnium actio tam mirabilis, quam multiplex, à propriâ partium structurâ & motu pendens ad solas qualitates primas referri non debet. Oculis rerum causis, aut inaniitionis metu; Archæo vel spiritui universali minime tribui: cum hirudinis, cucurbitulæ, fuscini, auræ magnetis viribus nequaquam comparari. Inania planè verba, nisi eorum notiones cum vi mechanicâ conjungantur. Quid ipsa caliditas, frigiditas, siccitas, & humiditas? nisi singularis dispositio quorundam corporum. Quid magnetica virtus? nisi ferri lapidei, & materiae magneticæ symmetria & concentus. Quid hirudinum & cucurbitularum attractio sine ætæ gravitate, & elatere? Quid Archæus faber, Spiritus universalis, Anima mundi? fabula, vel materia tenuissima, egregiè mobilis, penetrabilis, cuncta movens. Sua singularis fluxionibus ineffectu conformatur. Quæ clavim inter & seram, cochleam & receptaculum proportio, eadem sæpe adest inter cætera corpora. Eadem eorum quæ visum fugiunt, ac cum afficiantur leges. Asclepiadæ ad magnitudines, & figuras, ac posituras corporulorum, ac meatuum, facultates medicamentorum jamdiu retulerunt. Eadem quippe semper est naturæ vox, nec notiones naturales diversæ, sed harum quæ curam habet! rursus tunc Galenus, alter ab Hippocrate medicinæ princeps, refellere conatus est, nec tamen ipse in viribus medicamentorum exponendis, carere potuit partium renuitate, atque crassitie. Quid hisce felicissimis temporibus exequemur, ad disciplinarum incrementum magis opportunis?

QUÆM œsophagi, ventriculi, & intestinorum nomine appellatur ductum, musculus ille est concavus, & glandula conglomerata. Hujus liquor ad alimentorum solutionem, fibræ autem eorum per inferiora expulsionem comparatæ sunt. Promovetur hæc ab ingestorum pondere, diaphragmate, & musculis abdominis. Præclufus à pyloro ad anum visus, contenta gradum revocare necesse est. In causâ hæc funt: Præposita fibrarum ventriculi contractio; Materia inferioris vias obstruens: Violentus diaphragmatis, & musculorum abdominis motus. In vomitu à medicamento fibrarum ventriculi contractio non invertitur, pylori & intestinorum cavitates non intercluditur. Ergo ventriculus & intestina velut à torculari premuntur à diaphragmate, & musculis infimi ventris, ut quilibet in seipso observare potest, quo tempore vomit. Eorum potentia ventriculi contentum superare luculenter demonstratur in canivivo, qui mercurium sublimatum voravit. Contra in purgatione contractio fibrarum ventriculi major est vi musculorum abdominis & diaphragmatis; ob varium nempe sensum ab emetico & à purgantibus excitatum, major vel minor spirituum copia fuit in ventriculo, vel in diaphragma, & musculos infimi ventris. Cum primum purgantis in ventriculo descenderint, ejus villi ad contractionem incitantur. Quo vehementius, eo facilius per inferiora pellunt. Glandulæ inter eos posite fortius expressæ, per iteratas vias aptiores fiunt ad serum assidue albicans copiosius expiendum: Sic sponsa quæ manibus tractatur, longè majorem aquæ copiam fundit, quam altera quæ immota manet, cum ad utramque æqualiter aqua decurrit ex tubo bifido. Sanguis igitur in purgatione colluviem ferociam copiosius deponit in glandulis ventriculi & intestinorum, quam cæterarum partium: despumatur ipse, & universum corpus eluit. In vomitu verò abdominis partes geminatis ictibus mundantur à sordibus, ut vestes à lotiis. Tantam munditiem etiam in prosperâ valetudine, ter in mense requirebat Hippocrates in humidioribus, bis in siccioribus. Emetica per breviorem viam noxios, aut superfluos humores eliminant absque metu transfusionis in sanguinem, ut catharsis per lacteas sæpe efficit. Sternutatoria & Erithina è glandulis membranz pituitariæ serum eliciunt, non secus ac purgantia ex ventriculo & intestinis.

UT charta bibula oleo vel aquâ imbuta transmittendis tantum olei, aut aquæ partibus idonea est, cum oleum aquâ permixtum ipsi affunditur; sic jecur semel bile tinctum, renes urinâ, glandule cutis, palati, aliæque, sudore, salivâ, vel humoribus analogis madentes iisdem fecernendis inferiuntur. Quæ per glandulas proprios humores ducunt medicamenta, eorum vel copiam afferunt sanguini, illum alterando, vel eisdem à cæteris ejus partibus segregant: hinc uberius illi per inermicula sua fluunt. Diuretica urinæ copiam augent, sanguinem solvendo si acia, sulphureas sanguinis partes cogendo si acida, acidum ipsum expiendi fit absorbentia funt. Sudorifica humorem è sanguine eliciunt urinâ non absumunt, ut docet Analysis chymica; unde diuretica sepe evadunt, & diuretica quandoque sudores movent. Vera sudorifica pauca, diaphoretica plurima: illa dædantur, hæc obsequuntur natura. Sudor facilius à labore quàm à medicamento, ob musculorum motum, Hysterica fermentum uterinum ex cæteris sanguinis partibus expediunt, & vias ipsi parant. Effervescent illud singulis mensibus: unde renebricosæ vertigines, & reliqui capitis morbi virginitus contingunt circa mensium exitum. Ruit illud in uteri glandulas, quæ turgidæ venarum officia compri-munt, & sanguis per arterias fluit, qualis è victimâ, atque concrevit si mulier valet. Mercurius lymphaticam sanguinis partem agitando salivam copiosius reddit: Hinc sputationes crebræ, quas sequitur humor crassior, salivæ analogus, os inflammans & exulcerans, etiam in sanis corporibus. Salivaria catharsis sæpius quam diuresim, aut sudorem molitur, propter affinitatem salivæ, & feri intestinalis. Purgantia sudores non excitant aut salivationem, quia glandulæ primarum viarum prius ad excretionem parantur, salivales aut cutaneæ nequaquam nisi à frictionibus, aut masticatoriis. Opium modicè sumptum sanguini affert copiam roris similis illi, qui conciliat somnum naturalem, idcirco quierem: Immodicè exhibitum furorem & morus convulsivos, demum affectum soporifera parit; adeo mira est Opii vis sanguinem quasi gradatim funditus liquans. A causticis cum admodis fungosa caro, seu colatorium novum oritur; ferum facilius expicit, quod fero primum imbutum sit. Salis alieni mica in glandulis mammarum, aut cutis nidulus, carcinomatis, elephantiasis, herpetique sæpe origo est. Pars veneno infecta, quidquid in sanguine virulenti est, facile fecerit. Dubium an ea tolli debeat?

MORBUS fermè omnis à fluidis, nec solide partes ex seipsis vitium capiunt. Fluida vel nimium fervent, vel nimium morantur in partibus. Viscerum labe penè omnis ab inflammatione, aut obstructione. Fit illa ab humore devio, cujus motus vel nimius, vel imminutus, vel interceptus. Hæc materia vasa sanguinea, vel meatus & texturam partium occupante. Alterantur classes præcipue tres sunt: Calidiorum quæ humores perturbantia, caloris aucti, Frigidiorum quæ fervorem minuentia, imminuti sensum inferunt: Specificorum quæ sordes ablucunt, & abstergentia pristinum statum visceribus, ac humoribus reddunt; Materiam quæ vim evacuantium fugit, sensum edomant, humorem parti dicatum augent, vel explicant: copiosius ille fecerit meatus aperit, sordes impactas diluit, à privatis viis ad publicas convehit, vel per obscuras amandat. Hepatica propriè dicenda sunt non quævis aperientia, leves vasorum sanguineorum obstructions tollere nata, sed quæ cæcos meatus glandularum hepatis, inquinamentis liberant, bilem seu sulphureas sanguinis partes attenuantia, vel à compediendis cæterarum expeditia: Bilis scilicet irruens cum impetu inerniculum suum eluit, & detergit. Cæteri humores id præstare nequeunt cum in proprias bilis vias non penetrant. Idem de cephalicis, splenicis, cæterisque dicendum, quæ partium vitium tollere, easque excrementorum onere pressas levare solent. Qui specificis negant, Corticem Peruvianum, Mercurium, Ipecacuanham, Sulphur, Opium, Corallinum, Staphisagrium, Stribum nūquam norunt. Si medicamentorum vires propius inspicias, omnia specificis sunt. Nonne vacuantium quoque delectus est habendus in variis affectibus? Aliud profecto est vomitum provocare cum Afaro, aliud cum Scibio, Calcantho, Alumine, Ipecacuanha, aut Helleboro albo. Immane quantum discrepat Senna à Tamarindis, Cassia ab Aloe, Rheum à Colocynthis, Scamoniū ab Opopanace & Sagapeno; à Mannâ Elaterium, Bryonia, aut Helleborus niger. Cum ex vario constant partium ordine, non solum vacant sed humores alterant, & pristinum nitorem partibus restituant. Tantum inter ipsa discriminis est, quantum inter Opiatam ex resinâ Jalapæ, Croco martis, Myrrhâ, Aquilâ alba, & sale Absinthii; ac potio-nem à Cassiâ, Mannâ, & syrupo Rosarum.

VENÆ sectione opportunè adhibita, majus præsidium nullum est: Sed in secandâ venâ, perinde ac in dijudicandis litibus, facti quàm juris quæstio sæpe sic obscurior. Sanguis vitæ fons plerumque peccat copia, fervore, tenuitate, lentore. Exuperans & plus æquo fervens, aut lentus, tardius movetur, nimium moratur in partibus, calore morbifico eas corripit, aut fluxionibus obruit. Si tenuior sit, celerius fertur quam ut suis sinibus contineatur. Detrahatur ergo per amplum foramen, & largâ manu, si præsens quærat auxilium. Celerius currit ad vas incisum quia facilius. Qui fluit prior, minori est impedimento proximè sequenti, inde à corde rivus uberior derivatur. Imminuta plenitudine, celeritas totius sanguinis augetur in omnibus vasis. Post venæ sectionem tardius fluit quam in venæ sectione, celeritas tamen quàm ante, gratiæ refrigeratione singulas partes recreat. Nimiuscular oritur, vel à morâ vel à pressione partium sanguinis. Auscio morâ recto, lentius, imminuto vehementius effervescent. Nimium à se invicem pressæ deurrunt loca; sic ferventis aquæ sola pressio in machinâ Papinianâ ossa liquat in succum lentum, & forbilem. Sanguis debiti celeritate à venæ sectione acceptâ, fluidior evadit, facilius sua recrementa ponit, obstructions tollit, rapiens quæ vasis tenuius hærent, vel eorum cavitatem occupant. In venæ sectione non tantum ad vas incisum, sed ad viciniora citius fertur, unde derivatio antiquis sapienter instituta. Adfunt obices in cerebro mundatur jugularis; sanguis in arteriis summæ arcis celerius fluens, moles evertit sibi oppositas. In anginâ quoque succurrit eadem sectio propter sanguinem vehementius irruentem in carotidem externam. Revulsionem prudenter statuerunt à parte oppositâ & longissime distante. Dolentibus partibus superioribus incidunt saphæna. Eadem secta suppreffos menses revocat, uteri impedimentum removens. Pulmo est veluti quedam insula à cæteris partibus discreta. Hujus affectus non magis è malleolo, quàm è cubito requirunt sanguinem missum; nisi ratione cerebri aut infimi ventris. His ita expositis, cum medicamenta morbos mechanicè oppugnare verisimile sit, non temerè concludemus.

Ergo morborum curatio ad Mechanicæ leges referenda.

DOMINI DOCTORES DISPUTATURI

M. Carolus Bompert.
M. Nicolas Andry.
M. Claudius Dufresne.

M. Daniel Tawory.
M. Antonius le Clerc.
M. Joannes Poisson, Medicus Regis ordinarius.



M. Ludovicus Labbé.
M. Andreas Enguehard, Professor Regius.
M. Josephus Thomasseau.

Proponerebat Parisiis LUDOVICUS LEMERY, Parisinus, Baccalaureus Medicus. A. R. S. H. 1697.